

Ilythyr newyddion

LLAIS

SIR GÂR

Carmarthenshire
Voice

Llais
Sir Gâr

A'R ENILLYDD YW....



Diolch i bawb a gyfrannodd at ein harolwg diwethaf. Mae cwblhau'r arolygon yn cymryd amser, ac mae'r ymatebion rydym wedi eu derbyn yn dangos yn glir eich bod wedi rhoi ystyriaeth ddwys i bob cwestiwn.

I ddangos ein bod yn gwerthfawrogi eich ymdrechion ac i ddiolch ichi, rydym yn cynnwys pob un o'r arolygon a ddychwelir mewn raffl fawr. Tynnwyd y raffl ar gyfer Arolwg 20 yn ddiweddar; daw'r enillydd o ardal **Llanymddyfri** ac erbyn hyn mae **£50 yn gyfoethocach!**

Sicrhewch eich bod yn cwblhau Arolwg 21 (yn amgaeedig) i gael cyfle i ennill y tro nesaf.

CYNGOR SIR CAERFYRDDIN

'Y Gwaith'

Gan weddnewid safle hen waith tun yn Llanelli, bydd 'Y Gwaith' yn ganolfan ysblennydd newydd sbon ar gyfer diwylliant a'r celfyddydau, a hynny mewn adeilad modern a chyfoes ei bensaerniaeth.

Ym mis Hydref cyhoeddwyd bod 'Y Gwaith', o blith y 23 yn y rownd derfynol, wedi cyrraedd rhestr fer derfynol y Rhaglen Creu Cof Byw (a noddir gan y Gronfa Loteri Fawr). 'Y Gwaith' yw'r unig brosiect yng Nghymru i gyrraedd cyn belled â hyn.

Dywedodd 40.1% ohonoch eich bod wedi clywed am 'Y Gwaith', a dywedodd dwy ran o dair ohonoch (70.4%) y byddech chi fel teulu neu fel aelod o fudiad yn ymweld â'r 'Gwaith' ac yn mynd i ddiwyddiadau yno. Roedd 86% ohonoch yn barnu bod codi 'Y Gwaith' yn Sir Gaerfyrddin yn cymell pobl i gymryd mwy o ran ym myd y celfyddydau.

Cynllun Datblygu Lleol Sir Gaerfyrddin

Ar hyn o bryd mae'r Cyngor Sir yn dechrau llunio Cynllun Datblygu Lleol (CDLI) i gymryd lle'r Cynllun Datblygu Unedol (CDU) a fabwysiadwyd yn 2006. Gan gymryd golwg gytbwys ar ddatblygiadau newydd, bydd y Cynllun Datblygu Lleol yn ceisio darparu tai newydd, neilltuo tir at ddibenion cyflogaeth, ac ymateb i'r galw am dir ar gyfer datblygiadau masnachol a hamdden newydd, gan geisio sicrhau ar yr un pryd fod yr amgylchedd a lles pobl yn cael eu gwarchod.



PANEL DDINASYDDION SIR GAERFYRDDIN

RHIFYN 19 - Tachwedd 2007

Rhoesom restr o flaenoriaethau i chi ar gyfer y cynllun, gan ofyn i chi eu rhestru yn nhrefn blaenoriaeth. Ar sail y blaenoriaethau a gafodd '1' gennych, h.y. 'y flaenoriaeth bwysicaf', roedd eich ymatebion fel a ganlyn:

1. Gwarchod cefn gwlad
2. Darparu tai newydd
3. Neilltuo safleoedd at ddibenion cyflogaeth
4. Ehangu canol trefi
5. Ehangu parciau manwerthu ar gyrion y trefi

Cludiant

Mae Cynllun Trafnidiaeth Rhanbarthol yn cael ei lunio gan SWWITCH, sef Consortiwm Cludiant Integredig De-orllewin Cymru, sy'n cynrychioli Dinas a Sir Abertawe, Castell-nedd Port Talbot, Sir Gaerfyrddin a Sir Benfro.

Pan ofynnwyd i chi pa mor aml rydych yn defnyddio trafndiaeth gyhoeddus ar hyn o bryd, roeddech wedi dweud:

Bob dydd bron	6.2%
Rhyw unwaith neu ddwy'r wythnos	11.6%
Tuag unwaith y mis	14.2%
Bob rhyw chwe mis	13.4%
Yn llai aml	16.6%
Byth	38.1%

O ran y rheiny yn eich plith nad oeddech chi byth yn defnyddio trafndiaeth gyhoeddus, gofynnwyd pam nad oeddech yn gwneud hynny, a chafwyd yr ymatebion canlynol:

- Eich bod yn gyrru car neu fod gennych gar (a bod hynny'n fwy cyfleus, yn fwy hyblyg, yn gyflymach ac yn rhatach yn eich barn chi)
- Bod trafndiaeth gyhoeddus yn anghyfleus (bod y siwrneiau yn rhy faith a bod yr amserau, yn fynych, yn gwbl anghyfleus i fynd yn ôl ac ymlaen i'r gwaith)
- Bod gennych anabledd a bod prinder trafndiaeth gyhoeddus a allai ddiwallu eich anghenion (cyfeiriodd nifer llai at ffactorau oedran neu iechyd)

Yn bennaf roeddech yn defnyddio trafndiaeth gyhoeddus i fynd yn ôl ac ymlaen i gyfleusterau siopa yng nghanol dinas (31.5%), mynd i'r siopau lleol (25.9%), mynd ar wyliau byr (19%) ac ymweld ag ysbyty lleol (13.7%).

Roeddem wedi gofyn pa gamau gweithredu fyddai'n **fwyaf buddiol** o ran ei gwneud hi'n fwy hwylus i bobl a nwyddau fynd o le i le yn eich ardal leol chi, ac yna wedi gofyn i chi ddewis un peth o blith rhestr o gamau gweithredu. Roeddech wedi dweud – '**Cynyddu'r rhwydwaith trenau**'.

Roeddem wedi gofyn pa gamau gweithredu fyddai'n **fwyaf buddiol** o ran lleihau effaith trafndiaeth ar yr amgylchedd yn eich ardal leol chi, ac yna wedi gofyn i chi ddewis un peth o blith rhestr o gamau gweithredu. Roeddech wedi dweud – '**gwella trafndiaeth gyhoeddus**'.

Roeddem wedi gofyn pa gamau gweithredu fyddai'n **fwyaf buddiol** o ran gwneud trafndiaeth yn fwy diogel yn eich ardal leol chi, ac yna wedi gofyn i chi ddewis un peth o blith rhestr o gamau gweithredu. Roeddech wedi dweud – '**buddsoddi mewn cynlluniau arafu traffig megis rampiau arafu a therfynau cyflymder**', fodd bynnag, yn dynn wrth sodlau hyn oedd '**Gosod rhagor o systemau teledu cylch cyfyng mewn gorsafoedd bysiau neu drenau**'.

Pan ofynnwyd, 'Beth, os oes unrhyw beth, fyddai'n eich cymell chi i ddefnyddio trafndiaeth gyhoeddus yn amlach?' eich 3 phrif reswm oedd:

- 1) Darparu gwasanaeth amlach
- 2) Gostwng y prisiau a darparu cynigion/cynlluniau cymell
- 3) Llwybrau mwy cynhwysfawr a gwell amserlenni.

Strategaeth Iechyd, Gofal Cymdeithasol a Lles i Sir Gaerfyrddin 2008-2011

Mae'r strategaeth hon yn cael ei harwain ar y cyd gan Gyngor Sir Gaerfyrddin a Bwrdd Iechyd Lleol Sir Gaerfyrddin, ac mae'n amlinellu'r cynlluniau ar gyfer gwella iechyd a lles yr holl bobl yn y Sir. Mae'r ail Strategaeth Iechyd, Gofal Cymdeithasol a Lles i Sir Gaerfyrddin am y cyfnod rhwng 2008 a 2011 yn cael ei llunio ar hyn o bryd, a bydd yn diweddarau'r strategaeth bresennol a ddaw i ben ym mis Mawrth 2008.

Y weledigaeth gyffredinol, fel y'i hamlinellwyd yng Nghynllun Cymunedol y Cyngor, yw "Teimlo'n Dda... Mynd i'r afael ag achosion afiechyd drwy edrych ar bob agwedd ar fywyd", ac roedd cyfran helaeth iawn ohonoch (95.9%) yn barnu y dylai'r weledigaeth gyffredinol aros fel y mae ar gyfer y Strategaeth Iechyd, Gofal Cymdeithasol a Lles i Sir Gaerfyrddin am 2008-2011. Ar ôl adolygu'r rhestr bresennol o feysydd blaenoriaeth, roeddem wedi gofyn a oedd hi'n briodol i gadw'r meysydd blaenoriaeth hynny, ac, unwaith eto, roedd cyfran helaeth iawn ohonoch (94.3%) yn barnu bod hynny'n briodol.

Yna roeddem wedi gofyn i chi bwysu a mesur y meysydd blaenoriaeth, a dewis y pum prif flaenoriaeth ar gyfer gwella'r gwasanaethau iechyd a gofal cymdeithasol yn Sir Gaerfyrddin. Ar sail y blaenoriaethau a gafodd '1' gennych, h.y. 'Y rhai pwysicaf', roeddech wedi cyfeirio at y blaenoriaethau canlynol:

1. Gwella iechyd drwy fynd i'r afael â'r hyn sy'n achosi salwch
- =2. Gwella argaeledd ac ansawdd gwasanaethau cymorth i bobl hŷn
- =2. Rhoi cymorth i blant a phobl ifanc, yn enwedig plant mewn angen
- =3. Gwella argaeledd ac ansawdd tai a gwasanaethau cymorth
- =3. Hybu a gorfodi safonau uchel o ran iechyd a diogelwch

Manylir ar y canlyniadau llawn yn y tabl isod:

	1 = y flaenoriaeth bennaf	2	3	4	5 = y flaenoriaeth leiaf
Gwella iechyd drwy fynd i'r afael â'r hyn sy'n achosi salwch	69%	12%	7%	6%	6%
Hybu a gorfodi safonau uchel o ran iechyd a diogelwch	12%	40%	14%	19%	16%
Rhoi cymorth i blant a phobl ifanc, yn enwedig plant mewn angen	15%	25%	24%	18%	17%
Gwella argaeledd ac ansawdd tai a gwasanaethau cymorth	12%	24%	25%	17%	21%
Gwella argaeledd ac ansawdd y gwasanaethau cymorth i bob gofalwr gan gynnwys gofaldwyr ifanc	10%	28%	22%	22%	17%
Gwella argaeledd ac ansawdd y gwasanaethau cymorth i bobl hŷn	15%	20%	26%	21%	18%
Gwella argaeledd ac ansawdd y gwasanaethau cymorth i oedolion ag anghenion iechyd meddwl	7%	12%	25%	34%	23%
Gwella argaeledd ac ansawdd y gwasanaethau cymorth i bobl â phroblemau camddefnyddio sylweddau	9%	13%	20%	28%	29%
Gwella argaeledd ac ansawdd y gwasanaethau cymorth i bobl ag anableddau dysgu	1%	10%	18%	32%	39%
Gwella argaeledd ac ansawdd y gwasanaethau cymorth i bobl ag anabledd corfforol a / neu nam synhwyaidd	5%	10%	23%	25%	37%
Gwella argaeledd ac ansawdd y gwasanaethau cymorth i oedolion ag anghenion iechyd meddwl	8%	18%	21%	22%	32%

Bydd y strategaeth **ddrafft**, a fydd ar gael i ymgynghori yn ei chylch rhwng mis Hydref a mis Rhagfyr 2007, yn cynnwys dadansoddiad manylach o'r cynnydd hyd yn hyn, ynghyd â chrynodeb o'r anghenion iechyd a'r cynlluniau penodol. Gall y sawl sydd am roi sylwadau manwl ar y fersiwn drafft o'r '**Strategaeth Iechyd, Gofal Cymdeithasol a Lles i Sir Gaerfyrddin 2008-2011**' naill ai:

- 1) Cysylltu â'r Dr Brickchand S. Ramruttun PhD MSc RNMH drwy ffonio 01267 228777
- 2) Mynd i wefan Cyngor Sir Gaerfyrddin drwy ddefnyddio'r ddolen gyswllt ganlynol:
<http://www.carmarthenshire.gov.uk/eng/index.asp?locID=8613&docID=-1>
- 3) Neu ymateb i C63 yn yr arolwg amgaeedig drwy nodi eich bod am gael copi papur drwy'r post.

GWEITHREDU

Y Gwaith

Mae ymgynghori â'r Panel Dinasyddion ynghylch 'Y Gwaith' yn rhan yn unig o ymgynghoriad mawr iawn. Mae ymgynghoriad helaeth wedi bod ar waith ledled y sir ac mewn awdurdodau cyfagos, gan geisio barn pobl o bob oedran a grwpiau o ddefnyddwyr er mwyn sicrhau taw'r ganolfan newydd gyffrous hon yw'r hyn sydd ei angen ar y gymuned. Mae'r gefnogaeth yn y gymuned i'r prosiect hwn wedi bod yn rhyfeddol.

Ar 6ed Tachwedd bydd Bwrdd y Loteri Fawr yn cyfarfod unwaith eto yn Llundain pryd y bydd cyfle i bob un o'r prosiectau roi cyflwyniad gerbron y bwrdd am 15 munud. Bydd y penderfyniad yn cael ei wneud ar 10fed Tachwedd!

Cludiant

Y bwriad yw rhoi'r Cynllun Trafnidiaeth Rhanbarthol gerbron Llywodraeth Cynulliad Cymru ym mis Mawrth 2008, gan gymryd lle'r Cynlluniau Trafnidiaeth Lleol a luniwyd yn 2000. Bydd eich atebion i'r cwestiynau hyn yn ein helpu ni i bennu'r blaenoriaethau ar gyfer y Cynllun newydd hwn.

Strategaeth Iechyd, Gofal Cymdeithasol a Lles i Sir Gaerfyrddin 2008-2011

Consultation on the Health, Social Care and Well-Being Strategy is on-going, we will update you on progress at the end of the consultation period.

HEDDLU DYFED-POWYS

Pan ofynnwyd i chi a oeddech yn adnabod logo/bathodyn Heddlu Dyfed-Powys, roedd cyfran helaeth iawn ohonoch (93.8%) yn ei adnabod. Roedd y rhan fwyaf ohonoch wedi ei weld ar helmedau a lifrai'r heddlu.

Yna roeddem wedi gofyn a oeddech yn barnu y dylai Heddlu Dyfed-Powys gael logo arall ochr yn ochr â'r bathodyn milwrol presennol, dim ond 5.2% ohonoch oedd yn cytuno, ac roedd 94.8% ohonoch yn anghytuno.

Roedd ychydig yn fwy na'ch hanner chi (55.3%) wedi dweud eich bod yn gyfarwydd â datganiad gweledigaeth Heddlu Dyfed-Powys 'Diogelu Ein Cymuned' ac, unwaith eto, roedd mwy na'ch hanner chi (59.4%) yn meddwl bod hynny yn berthnasol. (Mae rhagor o ganlyniadau isod). Roedd mwy na dwy ran o dair ohonoch (68.4%) wedi dweud bod perfformiad Heddlu Dyfed-Powys yn gyson â'i weledigaeth

A ydych chi'n barnu bod datganiad gweledigaeth Heddlu Dyfed-Powys sef 'Diogelu Ein Cymuned' yn berthnasol?

Ydwyf	59.4%
Nac ydwyf	6.5%
Wn i ddim	19.4%
Dim barn	14.7%

Cynllun Iaith Gymraeg

Ers Ionawr 24ain 2007 mae gan Heddlu Dyfed-Powys ac Awdurdod yr Heddlu Gynllun Iaith Gymraeg ar y cyd, a gellir ei ddarllen ar y wefan (www.dyfed-powys.police.uk). Mae'r ymagwedd at ddefnyddio Cymraeg a Saesneg yn seiliedig ar yr egwyddorion canlynol:

- Bod gan y Gymraeg a'r Saesneg statws cydradd
- Gwella'r gwasanaeth i'r cyhoedd yn Gymraeg ac yn Saesneg - yn ôl eu dewis

Byddant yn mabwysiadu'r strategaethau canlynol i ategu'r uchod:

- Cynllun Iaith Gymraeg sy'n seiliedig ar lwyddiant y gorffennol ac sy'n edrych i'r dyfodol.
- Hybu gweithleoedd dwyieithog er mwyn cynyddu hyder y staff i ddefnyddio'r Gymraeg.
- Bod yr holl staff newydd yn cael eu cymell i ddysgu rhywfaint o eiriau ac ymadroddion sylfaenol yn Gymraeg i amlygu cwrteisi ieithyddol.
- Gweithio tuag at ddarparu dewis o ran iaith yn y prosesau recriwtio a phenodi
- Annog a chefnogi'r staff i ddysgu Cymraeg neu i wella eu medrusrwydd o ran y Gymraeg.
- Clustnodi swyddi lle mae angen lefel benodol o allu yn y Gymraeg.
- Gweithio tuag at ddarparu dewis o ran iaith yn y manau cyswllt cyntaf â'r cyhoedd, megis derbynfeydd a chownteri cyhoeddus, y ganolfan alwadau a'r dalfeydd.


Roeddem wedi gofyn i chi'Cyn cael yr holiadur hwn a oeddech yn gwybod bod gan Heddlu Dyfed-Powys ac Awdurdod yr Heddlu Gynllun Iaith Gymraeg?'. Roedd 47.1% ohonoch wedi dweud eich bod yn gwybod ac roedd ychydig yn fwy na'ch hanner chi (56%) wedi dweud bod cael dewis o ran iaith yn bwysig i chi.

Gofynnwyd i'r rhai a oedd wedi cysylltu â Heddlu Dyfed-Powys / ymdrin ag Awdurdod Heddlu Dyfed-Powys a oeddynt wedi gofyn am gael gwasanaeth drwy gyfrwng y Gymraeg neu a oeddynt wedi cael cynnig hynny. Roedd mwy nag un rhan o dair (34.5%) o'r bobl oedd wedi cysylltu wedi cael cynnig gwasanaeth drwy gyfrwng y Gymraeg ac roedd 8% arall wedi gofyn am wasanaeth drwy gyfrwng y Gymraeg.

O ran beth yr hoffent ei **gael** a beth y byddent yn disgwyl cael ei gynnig yn ddwyieithog neu'n Gymraeg, yn y ddau achos roedd y niferoedd mwyaf ohonoch yn teimlo **'y dylai'r holl wasanaethau gael eu cynnig'**.

Mynediad i wybodaeth

Gofynnwyd i chi sut y byddai'n well gennych gael gwybod am y gwasanaethau sydd ar gael gan Heddlu Dyfed-Powys, ac roeddech wedi dweud:



Roedd 12.4% ohonoch wedi cael anawsterau wrth gysylltu â Heddlu Dyfed-Powys. Roedd hynny'n bennaf am eich bod yn dweud nad oeddech yn gallu cysylltu â'ch gorsaf leol neu swyddogion lleol yn uniongyrchol.

Roedd 4.6% ohonoch wedi dweud y byddech chi, neu aelod o'ch teulu, neu ffrindiau am gael gwybodaeth ar ffurf arall e.e. Braille neu brint bras. Dim ond 0.7% ohonoch oedd wedi dweud eich bod wedi gofyn am wybodaeth gan Heddlu Dyfed-Powys ar ffurf arall. O ran y rhai oedd wedi gofyn am wybodaeth ar ffurf arall, roedd 1.7% ohonoch (3 o bobl) wedi dweud eich bod wedi cael anawsterau â'ch cais ac wedi manylu ar yr anawsterau a gafwyd.

Roedd ychydig yn fwy nag un rhan o dair ohonoch (34.8%) yn gwybod am rif di-argyfwng unigol Heddlu Dyfed-Powys ond 16.8% yn unig oedd yn gwybod am y fenter Gwir Weledigaeth sy'n eich galluogi chi i roi gwybod yn ddienw am drosedd atgasedd. Er gwybodaeth, rhif di-argyfwng unigol Heddlu Dyfed-Powys yw **0845 330 2000** a rhif y fenter Gwir Weledigaeth er mwyn rhoi gwybod am droseddau atgasedd yw **0845 122 8645**.

Roedd 6.4% ohonoch wedi dweud eich bod wedi cael anhawster i gael mynediad i un o adeiladau Heddlu Dyfed-Powys. Cafwyd anawsterau ym Mhencadlys yr Heddlu yn Llangynnwr, Caerfyrddin, ym Mharc y Brodyr Llwyd, Caerfyrddin, ac mewn amrywiaeth o orsafoedd ledled Sir Gaerfyrddin, yn enwedig yn Rhydaman.

Pan ofynnwyd'**Petaech am gysylltu â Heddlu Dyfed-Powys, pa rai o'r dulliau hyn y byddech chi fwyaf tebygol o'u defnyddio**', roeddech wedi dweud:

Trwy ffonio	73%
Yn bersonol yng ngorsaf yr heddlu	40.8%
Trwy ddeialu 999	26.7%
Trwy ddefnyddio'r rhif di-argyfwng	22.7%
Heddwys lleol / swyddog cymorth cymunedol yr Heddlu)	11.9%
Trwy lythyr / ffacs	4.2%
Trwy anfon e-bost	2.8%
Trwy fynd i wefan Heddlu Dyfed-Powys	2.6%

TROSEDDAU ATGASEDD

Y diffiniad o drosedd atgasedd yw '*... unrhyw drosedd yn erbyn person neu eiddo, a ysgogir gan gasineb y troseddwr at bobl oherwydd y gwelir eu bod yn wahanol.*' Roedd 29 ohonoch wedi dweud eich bod wedi dioddef trosedd atgasedd yn Sir Gaerfyrddin, ac o blith y rhain roedd 19 ohonoch wedi dweud eich bod wedi rhoi gwybod am y digwyddiad i'r Heddlu. Roedd 11 ohonoch wedi dweud nad oeddech yn fodlon ar y modd roedd yr heddwes wedi ymdrin â'r mater.

GWEITHREDU

Diolch yn fawr i chi am ymateb i'r cwestiynau am fathodyn y llw ac am y datganiad gweledigaeth. Bydd eich sylwadau yn cael eu cyflwyno a'u trafod yng nghyfarfod nesaf Grŵp Marchnata a Chyfathrebu y Llu ym mis Tachwedd 2007.


Rydym wedi rhoi'r ymatebion a gawsom gennych ynghylch adeiladau'r heddlu, gwasanaethau a gwybodaeth, i'r Uwch-reolwyr yn Rhanbarth Sir Gâr ac i'r Adran Cymunedau a Phartneriaethau, ac maent wedi cael eu nodi. Rhoddir ystyriaeth i'r rhain yng nghyswllt y Cynllun Cydraddoldeb i Bobl Anabl a materion mynediad cyffredinol ar gyfer Heddlu Dyfed-Powys.

BWRDD IECHYD LLEOL SIR GAERFYRDDIN

GWASANAETHAU MEDDYGON TEULU

Roedd 86.3% ohonoch wedi dweud eich bod wedi mynd at eich meddyg teulu yn ystod y 12 mis diwethaf. Roedd ychydig yn fwy na dwy ran o dair (67.8%) ohonoch wedi dweud eich bod yn gallu cael sylw gan aelod o'ch tîm gofal cychwynnol (nyrs neu feddyg) o fewn 24 awr. Roedd 58.3% ohonoch wedi dweud eich bod yn gallu trefnu apwyntment gydag unrhyw feddyg teulu yn eich practis hyd at 2 wythnos ymlaen llaw, ac roedd ychydig yn fwy na'ch hanner chi (55.4%) yn gallu trefnu apwyntment gyda meddyg o'ch dewis o fewn 4 wythnos i'ch cais.


Yn gyffredinol roeddech yn barnu bod eich practis:



Y GWASANAETH MEDDYGON TEULU Y TU ALLAN I ORIAU

Roedd ychydig yn llai na'ch chwarter chi (21.7%) wedi dweud eich bod wedi defnyddio'r Gwasanaeth Meddygon Teulu y Tu Allan i Oriau yn ystod y 12 mis diwethaf. O blith y rhai oedd wedi defnyddio'r gwasanaeth, roedd y rhan fwyaf (24.2%) yn barnu bod y gwasanaeth wedi ymdrin â'u galwad mewn modd 'da iawn'; fodd bynnag, yn dynn wrth eu sodlau oedd y rhai oedd yn barnu taw 'gweddol' (22.7%) oedd y gwasanaeth.


Yn gyffredinol roeddech yn barnu bod y Gwasanaeth Meddygon Teulu y Tu Allan i Oriau:



GWASANAETH DEINTYDDOL

Roedd mwy na thri chwarter wedi dweud eich bod wedi mynd at ddeintydd yn ystod y 12 mis diwethaf. Roedd ychydig yn fwy nag un rhan o dair ohonoch (36.1%) wedi dweud bod gennych ddeintydd sy'n rhan o'r Gwasanaeth Iechyd Gwladol (GIG). O blith y rhai nad oedd ganddynt ddeintydd GIG, roedd 78.9% wedi dweud eu bod am gael un.


Yn gyffredinol roeddech yn barnu bod y gwasanaeth a gewch gan eich deintydd:



GWASANAETHAU FFERYLLOL


Roedd mwy na thri chwarter (79.7%) yr ymatebwyr wedi dweud eu bod wedi defnyddio eu fferylllydd cymunedol yn ystod y 12 mis diwethaf. Roedd un rhan o bump (20.5%) ohonoch wedi dweud eich bod wedi gweld gwybodaeth am ymgyrch hybu iechyd yn eich fferyllfa gymunedol, a'r ymgyrch fwyaf cofiadwy oedd 'Rhoi'r Gorau i Ysmygu'.

Overall, you rated the service provided by your community pharmacist as:



TRAFNIDIAETH

When asked which Carmarthenshire hospitals you had visited in the last 12 months, you said:



Ar y cyfan, yn ôl pob golwg nid oeddech wedi cael anhawster i deithio i'r ysbyty - heb fod yn anodd nac yn rhwydd (33%), yn rhwydd (40%), yn rhwydd iawn (18.7%). Mae'n bosibl taw'r rheswm dros hynny yw bod y rhan fwyaf ohonoch (83.4%) yn defnyddio eich cludiant eich hun i deithio i'r ysbyty. Roedd y dulliau eraill o deithio yn cynnwys cael lifft gan berthynas / cyfaill (10.2%), ambiwlans (7.3%), trafnidiaeth gyhoeddus (5.4%), Ceir Cefn Gwlad (3.2%) a'r gwasanaethau cludo cleifion (1.2%).

Roedd 14% ohonoch wedi dweud eich bod wedi teithio rhwng ysbytai yn Sir Gaerfyrddin. Unwaith eto, yn ôl pob golwg nid oeddech wedi cael anhawster i deithio o ysbyty i ysbyty - heb fod yn anodd nac yn rhwydd (37.7%), yn rhwydd (35.1%), yn rhwydd iawn (11.7%). Ac o ran y cwestiwn hwn hefyd, roedd y rhan fwyaf ohonoch wedi defnyddio eich cludiant eich hun neu wedi cael lifft gan berthynas / cyfaill i fynd o ysbyty i ysbyty.

YMATEB

Daliwch i roi eich barn i ni, er mwyn i ni barhau i wneud gwelliannau. Os hoffech gynnig sylwadau ar unrhyw agwedd benodol ar Banel Dinasyddion Sir Gâr, cysylltwch â:

Y Cydgysylltydd Ymgynghori
Polisi a Chwsmeriaid
Cyngor Sir Caerfyrddin
Neuadd y Dref
Llanelli

Ffôn: 01554 742304
E-bost: consultation@sirgar.gov.uk

Os oes angen y wybodaeth hon arnoch ar ffurf print bras neu Braille neu ar dâp sain, ffoniwch 01554 742304.

